

Broj: 13-02-4-2117/23  
Sarajevo, 29.01.2024. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

PARLAMENT FEDERACIJE BOSNE I HERCEGOVINE  
PREDSTAVNIČKI DOM  
-Kabinet Sekretara-

Primljeno:		14-02-2024	
Org. jed.	Broj	Priloga	Vrijednost
05/1	-02-	568	123

**PREDMET: Odgovor na Inicijativu Amela Mekića, poslanika u  
Predstavničkom domu Parlamenta Federacije BiH, dostavlja se.-**

**VEZA :** Vaš akt broj:05/1-02-568/23 od 21.12.2023.godine i akt Sekretarijata  
Vlade F BiH, broj: 03-04-1540-22/2023 od 25.12.2023.godine

Poštovani,

Poslanik Predstavničkog doma Parlamenta Federacije BiH, **Amel Mekić**, u nastavku 4. redovne sjednice Predstavničkog doma Parlamenta Federacije Bosne i Hercegovine održanom 21.12.2021.godine, dostavio je Inicijativu Vladi Federacije BiH, odnosno Federalnom ministarstvu energije, rudarstva i industrije, u kojoj se između ostalog navodi da Federalni ministar energije, rudarstva i industrije uputi Urgenciju firmi UNIS Ginex d.d. Goražde da izvrši isporuku namjenskih proizvoda firmi BINAS d.d. Bugojno.

Federalno ministarstvo energije, rudarstva i industrije, putem Federalne direkcije za namjensku industriju vrši svoja ovlaštenja u skladu sa Uredbom o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine ("Službene novine Federacije BiH", br. 20/16, 3/17, 9/17, 69/17, 96/17 i 101/22).

Takodjer, ovo Ministarstvo u skladu sa Zakonom o proizvodnji naoružanja i vojne opreme („Službeni glasnik Bosne i Hercegovine“ broj: 29/04) i Zakonom o proizvodnji prometu naoružanja i vojne opreme u Federaciji Bosne i Hercegovine („Službene novine Federacije BiH“ broj: 79/07) vrši nadzor nad proizvodnjom naoružanja i vojne opreme u privrednim društvima kojima je izdata dozvola za proizvodnju i promet naoružanja i vojne opreme u Federaciji Bosne i Hercegovine.

S tim u vezi, pitanja proizvodnje i isporuke sredstava NVO uređuju se obligacionim odnosima između privrednih društva.

Napominjemo sljedeće:

- Podaci koji su navedeni u obrazloženju predmetne Inicijative predstavljaju TAJNE PODATKE prema članu 17. Zakona o proizvodnji i prometu naoružanja i vojne opreme („Službene novine Federacije BiH“ broj: 79/07).
- Način pristupa, korištenja, čuvanja i zaštite od neovlaštenog otkrivanja tajnih podataka regulisan je Zakonom o zaštiti tajnih podataka („Službeni glasnik BiH“ broj: 54/05 i 12/09).

S poštovanjem.

**DOSTAVLJENO :**

- Naslovu
- Sekretarijat Vlade F BiH
- a/a

